

I bob. Umumiy qoidalar

1. Mazkur BHMSning maqsadi kichik tadbirkorlik sub'yektlari tomonidan buxgalteriya hisobini yuritishning soddalashtirilgan tizimini tashkil etish va uning uslubiyotini aniqlash tartibini belgilash hisoblanadi.

2. Mazkur BHMS talablari barcha kichik tadbirkorlik sub'yektlariga nisbatan tatbiq etiladi, yakka tartibdagi tadbirkorlar va fermer xo'jaliklari bundan mustasno. Yakka tartibdagi tadbirkorlar o'zlarining daromadlari va xarajatlari hamda boshqa soliq solish ob'yektlari hisobini soliq to'g'risidagi qonun hujjatlariga, fermer xo'jaliklari esa, o'zlarining buxgalteriya hisobini Fermer xo'jaliklarida buxgalteriya hisobining soddalashtirilgan tizimini tashkil etish to'g'risida [nizomga](#) (ro'yxat raqami 1781, 2008 yil 26 mart) (O'zbekiston Respublikasi qonun hujjatlari to'plami, 2008 y., 12-13-son, 81-modda) muvofiq yuritadi.

3. Kichik tadbirkorlik sub'yekti o'z faoliyatida boshqa buxgalteriya hisobi milliy standartlari hamda buxgalteriya hisobi va hisobotining umumqabul qilingan qoidalaridan foydalanadi.